

Incuntada cun l'ombolt y la junta incö dales 10.30 tl salf di stöd. a S. Martin

Racoiüda refodam da tosser (patris vedles, lac, öri, bossi de sprai, löms neon, medejines vedles, refodam cun FCKW): lönesc 18 de novëmber a San Martin dales 9.00 ales 10.00 dan le magazinn di stödafüch.

Al vëgn fat la **vacinaziun** cuntra les coies dai doturs Agreiter y Mahlknecht.

SAN MARTIN

Invit ala **mëssa en onur de San Martin**, en lönesc, 11 novëmber, dales 19.30.

En domënia, 17 novëmber, vëgnel tut sö **les sorvidësses y i sorvidus nüs** tla gran mëssa: Luis Clara, Andrea Kastlunger, Federica Pedevilla, Lucas Verginer y Denise Verginer a chi ch' ti audun tröpa ligrëza te süa bela funziun.

La **Uniun di Seniors da San Martin y d'Antermëia** tëgn na ciastagnada cun la sentada generala y na ola dla fortüna en domënia, 17 de novëmber, a San Martin do la gran mëssa tl salf dla refeziun. Cost por porsona 10 euro. Por chi d'Antermëia é la poscibilité da senté da gní jö. Prëibel prenotede cina ai 14 de novëmber pro Maria Sottrovisc 338 17 51 839 o pro Alfred 333 36 54 786

LUNGIARÜ

I Ves inviun duc en domënia, ai 10 de novëmber, ala **Mëssa di Sorvidus** tla dljia da Lungiarü. Ince en chësc ann fajunse na „Kuchenaktion“ do la gran mëssa. Le profit gnarà destiné a n fin de bëgn. I recordun che l'ann passé ti unse dé n contribut a nosta mōta en adoziun Antonio Anifa dl Mozambich tl'Africa. Ince en chësc ann jará na pert dles spënores a d'ëra. Dër bel dilan.

La Uniun di Seniors da Lungiarü inviëia a **referat cun siur Tone Fiung** ai 20 de novëmber a Lungiarü dales 20.00 tl salf. "Rituai y usanzas canch'al mör na persona – Co me comporti pa canch'ara vëgn da surantó val' sorvisc?

Bel dilan dles **ofertes en recordanza** dla defunta Lidvina Costa Clara por la dljia: da Linert y Linda Clara y dala fiocia Albina.

Mësa torona sön le **lian emozional danter geniturs y mituns** (por todësch): Ince sce chësc lian é dër sterch mëss i mituns se destaché por gní autonom. Al é na fasa zitia cun tröc prighi. Co podunse pa i daidé ch'ai röies a na dërta autostima yy a na sozialisaziun sana? De chësc nen baia esperc en jöbia ai 14 de novëmber, dales 19.30 tl Istitut Ladin a San Martin. Organisé dal Grup Ecuiliber. Ai insegnanc ti vëgnel reconesciü sciöche formaziun. Düc é inviá.

Le Sorvisc ai Jogn tëgn n **curs da fá San Micurá** cun Patrick Schmalzl ai 19 de novëmber, dales 19.30 tl Sorvisc ai Jogn (alzada-1) a Picolin. Iscriziuns: 0474 523 070 cina ai 13 de novëmber. Le curs é debann y davert a duc.

La **Musiga y le Cor de dljia da La Ila** inviëia al concert de Santa Zezilia en sabeda, ai 16 de novëmber, dales 20.00 tla dljia da La Ila.

La **Uniun nōia dles Patrones da San Martin** inviëia a süa prōma sentada generala la sabeda, ai 30/11 dales 14.00 tl salf di stödafüc da S. Martin.

Iade ai marciá da Nadé cun Taxi Vico en dedolönesc ai 26/11 a Desproch y en sabeda ai 30/11 a München. Prenoté 335 61 16 528 mail:



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - klsottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194



10.11. – 17.11.19 nr. 50

ultimo termo por comunicaziuns: jöbia dales 20.00
radio: 90,40 / 93,70

32ª DOMËNIA ia por l'ann C

Vangele do Lūca 20,27-38

Te chël tēmp ēl gnü da Gejü valgügn Saduzēs,
che neghëia la ressourceziun, y ai l'á damanè:

Dala ressourceziun, de chē sarà pa fomena chē ëra che á albü set omi?

Dailò ti á Gejü dit: Mâ te chësc monn él ëi y ëres che se marida.

Chi che Idî indere arata dëgns de tó pert al ater monn y ala ressourceziun
di moré, ne se maridarà spo nia plü. Ai ne sciafia gnanca plü da mori,
deache ai é sciöche agnui y tres la ressourceziun
ési diventà fis de Dî.

Mo che i moré ressourcec, á bele Mosè
indiché tla cuntia dla trognora,

canch'al nominëia le Signur

Dî de Àbraham, Dî de Ìsach y Dî de Iàcob.

Al n'é pō nia n Dî di moré, mo di vis;

deache por ēl ési duc vis.



*Cun cunc y numeri prō i saduzēs da desmostré che Gejü ne n'á nia rajun,
feter sciöche le mister de Dî se lasciass splighé cun cunc y numeri.*

Sc'an pó dí val' de sigü de Chël Bel Dî, spo nia d'ater co ch'al é n Dî di vis.

ël é n Dî dla vita, che vir y che vifichëia.

Porchël ne podunse nia se fá instësc patruns dla vita y ti fá la vita ria a d'atri.

Porchël él proibí da copé jënt te so inom, da condané a mort

o da lascé morí i migranc che ó passé ca por le mer.

Y insciö ne dessun gnanca ti tó ai mituns gragn y pici la vivacité.

I un le compit da sconé la vita y da la promöie y da la sostigní.

Al é ince da coltivé la coriosité por döt ci che mantëgn y valorisëia la vita.

Porchël él da odëi de bun edl les idees y les scomenciadies

y da daidé i grups y les istituziuns che se dá da fá

da daidé y da mantigní la vita de vignun y de dōta l'umanité.

EDEMA LITURGICA	SAN MARTIN	LUNGIARÜ	Mort- Begnünus pro Chël Bel Dî
09.11.19 Sabeda <i>Segra Basilica Laterana</i>	15.30 Mëssa tla Ciasa de Palsa 14.00 Mëssa de sopoltöra dla def. Maria Dapunt Erlacher 18.30 Mëssa pref. <i>intenz. dl'ultima plata</i>	20.00 Mëssa prefestia 3 ^a de sopoltöra de Lidvina Costa Clara + Emma Pezzei Mischi (dla Uniun)	 Gejù destënn ca sù brac por tó sò chi che vá da d'ël. Chësta scoltöra nes mostra Gejù do súa ressureziun che vëgn indò derevers da sù discepu a ti audé la pesc y, por desmostré ch'al é ël instës, ti mostrel sües plaies. Al é na raprezentaziun ch'i odun ince sovënz tles cortines y che passenëia dër, deache ala mort liunse ince pomez la speranza cristiana tla ressureziun: sciöche Gejù ne restunse nia tla mort, mo i viarun pro Chël Bel Dî. Y pro chësta raprezentaziun passenëia ince le titul: "Mort - Begnünus pro Chël Bel Dî". Insciö crëi y confida i cristians che la mort n'é nia la fin, mo le mëteman de na vita nòia tla patria pro Chël Bel Dî, che tlama la jënt begnünüda. Chësc n'é sambëgn defrunt ala mort y tla plüra nia saurí da crëie, ince ciodí che degügn ne sá coche la vita pro Chël Bel Dî é. Mo sce la tēma y le dübe manacia da sofié la speranza, podunse s'infidé da perié Idí ch'al renforzes nosta fede.
10.11.19 32^a DOMËNIA DL ANN C	9.00 Corona por + Maria Dapunt Erl. 9.30 Gran Mëssa dla Comunité + siur Franz Aiarei (dl ann) + Giovanni Pescoller	7.55 Corona 8.15 Gran Mëssa dla Comunité	
11.11.19 Lönesc <i>San Martin da Tours</i>	19.30 Mëssa por la comunité en onur dl Patron de nosta ploania		
12.11.19 Dedolönesc <i>Osafat, Renat, René, Diego</i>	19.30 Mëssa por i amará y soferënc 2 ^a de sopoltöra de + Maria Dapunt Erl. ++ dles families Sottara y Vijo Clara ++ Frenner, Pespach, a d'intenziun		
13.11.19 <i>Carl Lampert, Stanislau</i> Dedemesaledema/Mercui		7.30 Mëssa + + + Iarone, Loise y Heinrich Frenademetz	
14.11.19 Jöbia <i>Alberich, Veneranda</i>	7.30 Mëssa vis y def. amilies Perathoner y Prousch + Fonjo Unterweger, + Sepl Trebo, Tor + + Carlo Conte y Pia Monti Corona por vocaziuns		
15.11.19 <i>Albert le Gran, Leopold</i> Vëndres - Siur Iaco Ploner <i>confessa sò Oies dales 16.30 - 18.00</i>	18.30 Adoraziun chîta 19.00 Adoraziun deboriada	7.30 Mëssa + Lidvina Costa Clara (dla Uniun)	
16.11.19 Sabeda <i>Margareta, Otmar</i>	15.30 Mëssa tla Ciasa de Palsa 18.30 Mëssa prefestia 3 ^a de sopoltöra de + Maria Dapunt Erl. + Maria Vantsch Sorá (dl ann) + Franz Canins (dl ann), a d'intenziun Oferta por la Caritas	20.00 Mëssa prefestia de rengraziamënt fam. Gerhard Moling + Anni Clara (dl ann) Oferta por la Caritas	
17.11.19 <i>Florin da Matsch</i> 33^a DOMËNIA DL ANN C De mondial dla püra jënt DOMËNIA DLA CARITAS	9.00 Corona 9.30 Gran Mëssa dla Comunité vis y def. fam. Franz Planatscher por les animes dl purgatore en onur de Sant Ojöp da Oies de rengraz. dles grazies scincades Oferta por la Caritas	7.55 Corona 8.15 Gran Mëssa dla Comunité Oferta por la Caritas	